

LEOIA ETA ARRATOIA.¹



Leoi baten atzapar
 Andi zorrotzetan
 Arratoi bat zegoan
 Guztizko penetan,
 Ez zergatik jan zion
 Gazta, chorizoa,
 Bai zeren kentzen zion
 Gabetako loa,
 Ordu guztietako
 Aren ibilliak
 Uzten ez ziolako
 Ichitzen begiak.
 Negarrez asten zaio
 Barkazio eske,
 Uzten dio, esanaz,
 Orra baoake.
 Ozta illabete bat
 Oraindika joan zan,
 Orra non leoi ori
 Erori zan tranpan.

Asitzen da egiten
 Alako orruak,
 Non ikaratzen ditu
 Ango inguruak.
 Ezagutu ondoren
 Orruan leoia,
 Lasterka an dijoa
 Gure arratoia.
 Ortzakin bereala
 Du soka puskatzen
 Eta tranpatik libre
 Du leoia uzten.
 ¡Nork esan leoiari
 Orduan bizia
 Eman bear ziona
 Zala arratoia!
 Argatikan munduan
 Andi izan arren
 Ez daki batek noren
 Bear izango den.



(1) Samaniego-ren ipuia euskerara itzulia.